

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
KANTONALNI SUD U BIHAĆU
BROJ 001-0-Su-23-000004
Dana, 04.01.2023. godine**

Na osnovu odredbe člana 15. stav 1. i 2. Pravilnika o vremenskim okvirima za postupanje po predmetima u sudovima i tužilaštvima BiH („Službeni glasnik BiH“, br. 5/13, 101/13, 61/14, 10/15 i 56/15), dostavljam analizu godišnjeg izvještaja o poštivanju optimalnih i predvidivih rokova u Kantonalnom sudu u Bihaću, za period od 01.01. do 31.12.2022. godine.

Analiza pokazatelja iz statističkog izvještaja o poštivanju optimalnih i predvidivih rokova

Na osnovu parametara danih u CMS-u: broj neriješenih predmeta, optimalni rok, broj sudaca, orijentaciona norma i vrijeme za zaostale predmete, ovaj je sud izradio Odluku o predvidivim rokovima za 2022. godinu.

Od ukupno 2957 predmeta koliko je sud imao u radu u izvještajnom periodu, ukupno je riješeno 2478 predmeta i to: u predvidivom roku riješeno je ukupno 2366 predmeta, od kojih je 2198 predmeta riješeno u optimalnom roku, a 112 predmeta riješeno je sa prekoračenjem predvidivog roka. Prosječno trajanje riješenih predmeta je 80 dana, a prosječno trajanje neriješenih predmeta na kraju izvještajnog perioda je 243 dana.

Gledano po pojedinim referatima pokazatelji izgledaju ovako:

Na upravnim predmetima (U-U) još uvijek je optimalni rok (135 dana) znatno manji u odnosu na predvidivi rok iz odluke ovog suda (213 dana). Od ukupno riješenih 478 predmeta upravnog spora, 413 predmeta riješeno je u predvidivom roku, od kojih je 328 predmeta riješeno u optimalnom roku, dok su 63 predmeta riješena sa prekoračenjem predvidivog roka. Prosjek trajanja riješenih predmeta je 121 dana, što je u granici optimalnog roka. Prosječno trajanje neriješenih predmeta na kraju izvještajnog perioda je 111 dana.

Na krivičnim predmetima (K-K) također je veliki raspon između optimalnog (88 dana) i predvidivog roka (234 dana). Od ukupno 25 riješenih predmeta, 12 predmeta je riješeno u predvidivom roku, od kojih je 5 predmeta riješeno u optimalnom roku, a 13 predmeta su riješena sa prekoračenjem predvidivog roka. Prema statističkim podacima ovi predmeti su rješavani, prosječno, u roku od 799 dana što je znatni iznad predvidivog roka. Prosječno trajanje neriješenih predmeta na kraju izvještajnog perioda je 1664 dana, što potvrđuje u ranijim godinama isticane probleme sa kojima se sud susreće prilikom rada na ovim predmetima, kao što su: zakonske ili procesne smetnje za postupanje u pojedinim predmetima (nedostupnost osumnjičenog odnosno optuženog, raspisane potjernice, dugo trajanje ekstradicionog postupka i sl.). Naime, od ukupno 39 neriješenih prvostepenih **krivična predmeta (K-K), 10 predmeta ima status nerješivih, od kojih 8 predmeta je starosti do 2002. godine.**

Na predmetima –Kps od ukupno riješenih 23 predmeta, 18 predmeta je riješeno u predvidivom roku (82), od kojih je 15 riješeno u optimalnom roku (52), dok je 5 predmeta riješeno sa prekoračenjem predvidivog roka. Prosječno trajanje riješenih predmeta je 80 dana, dok je prosječno trajanje neriješenih predmeta na kraju perioda 1207 dana. Razlog ovako dugog trajanja su zakonske ili

procesne smetnje za postupanje po ovim predmetima. **Naime, od ukupno 15 neriješenih predmeta K-Kps, 6 predmeta ima status nerješivih predmeta.**

Na drugostepenim parničnim predmetima, angažovan je najveći broj sudaca ovog suda, zbog toga je i najveći broj predmeta ovog referata riješen u predvidivom roku od 288 dana, dok je taj rok prekoračen samo u 6 predmeta. Od ukupno 737 riješenih predmeta, 731 predmet riješen je u predvidivom roku, od kojih je 719 predmeta riješeno u optimalnom roku (207 dana). Prosječno trajanje riješenih predmeta je 76 dana, što je znatno ispod optimalnog roka. Prosječno trajanje neriješenih predmeta na kraju izvještajnog perioda je 43 dana.

U drugostepenim postupcima po žalbi u privrednim sporovima (Ps i Mals) od ukupno riješenih 108 predmeta, 107 predmeta riješeno je u optimalnom roku, a jedan predmet riješen je sa prekoračenjem predvidivog roka. Prosječno trajanje riješenih predmeta je 72 dana što je znatno ispod optimalnog roka (187 dana). Prosječno trajanje neriješenih predmeta na kraju izvještajnog perioda je 25 dana.

Od ukupno 469 predmeta po žalbama u vanparničnom postupku (I,O,V,V1,V2) ukupno je riješeno 427 predmeta i to: 423 predmeta riješena su u predvidivom roku (od 357 dana), od kojih je 395 predmeta riješeno u optimalnom roku (136 dana), dok su četiri predmeta riješena sa prekoračenjem predvidivog roka. Prosječno trajanje riješenih predmeta je 66 dana što je znatno ispod optimalnog roka. Prosječno trajanje neriješenih predmeta na kraju izvještajnog perioda je 79 dana.

Od ukupno 173 riješena predmeta po žalbi na presudu u krivičnom postupku, 170 predmeta je riješeno u predvidivom roku (198) od kojih 167 u optimalnom roku (158), a tri predmeta sa prekoračenjem predvidivog roka. Prosječno trajanje riješenih predmeta je 49 dana, a neriješenih predmeta je 56 dana, što je znatno ispod optimalnog roka.

Od ukupno 312 predmeta po žalbi na presudu u prekršajnom postupku, riješeno je 300 predmeta i to: 295 predmeta je riješeno u predvidivom roku (100) dana od kojih je 282 predmeta riješeno u optimalnom roku (70) i 5 predmeta je riješeno sa prekoračenjem predvidivog roka. Prosječno trajanje riješenih predmeta je 17 dana, a neriješenih je 24 dana što je znatno ispod optimalnog roka.

U drugostepenim postupcima po žalbi u građanskim sporovima Dn-Gž, od ukupno 86 riješenih predmeta, 85 predmeta je riješeno u predvidivom roku (253), od kojih je 71 predmet riješen u optimalnom roku (136), a jedan predmet je riješen sa prekoračenjem predvidivog roka. Prosječno trajanje riješenih predmeta je 82 dana što je znatno ispod optimalnog roka. Prosječno trajanje neriješenih predmeta je 126 dana.

Za riješene ostale predmete po žalbi (zahtjev za zaštitu sloboda i prava pojedinaca, stečajnom postupku; postupak po žalbi protiv mjere osiguranja; postupku upisa u registar privrednih subjekata; na odluku o ponavljanju postupka-GVLŽ ili PVLŽ, ponavljanje postupka Uvl, postupku za izvanredno preispitivanje sudske odluke u upravnom postupku) može se izvesti jedinstven zaključak da je prosječno trajanje riješenih predmeta znatno ispod utvrđenog optimalnog roka. Jedan od predmeta Uvl, koji je ostao neriješen, ujedno je i nerješiv predmet pa je to razlog dugog trajanja postupka (541) dva neriješena predmeta na kraju izvještajnog perioda.

Analiza „perioda neaktivnosti“ u predmetima

Period „neaktivnosti predmeta“ jedino je prisutan u krivičnim predmetima. Uzroci tome su već ranije navedeni problemi a koji se odnose na nedostupnost optuženih ili osumnjičenih, raspisane potjernice i sl.

Također, dužina trajanja tzv. nerješivih predmeta neopravdano ulazi u prosječnu dužinu prekoračenja optimalnih i predvidivih rokova i drastično ih uvećava, a radi se o predmetima koji se zbog objektivnih razloga ne mogu riješiti, pa bi takve predmete trebalo izuzeti iz statističkih podataka koji se iskazuju za ostale predmete za koje se računaju prosječne vrijednosti prekoračenja rokova.

Analiza raspoloživih resursa u sudu:

Ovaj sud je 2022. godinu započeo sa 13 sudaca (12 redovnih i jedan dodatni sudija). Kako je mandat dodatnom sudiji prestao 04.01.2022. godine, raspored zaostalih predmeta i Odluka o predvidivim rokovima izrađena je za 12 sudija. U martu mjesecu u Kantonalni sud u Bihaću imenovana su dva nova suca, tako da je na kraju godine sud imao 14 redovnih sudaca.

Iako ima sistematizovana 4 izvršioca na poslovima stručnih saradnika sudaca, sud u izvještajnom periodu nije imao stručnih saradnika, a konkursna procedura za prijem u radni odnos za dva stručna saradnika sudaca okončana je tek 30.12.2022. godine. U izvještajnom periodu u okviru projekta „Unapređenje rada na predmetima ratnih zločina u BiH“ IPA 2019 u sudu su bila angažovana dva asistenta sudaca.

U sudu se za samostalan rad od 12.12.2022. godine osposobljavaju se 3 pripravnika-volontera, bakalaureati prava.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- predsjednica suda i predsjednici sudskih odjeljenja će osigurati permanentno praćenje i analizu poštivanja utvrđenih rokova;
- na sjednicama sudskih odjeljenja, odnosno stručnog kolegija sucima ukazati na nužnost poštivanja optimalnih, odnosno predvidivih rokova budući da se samo uz maksimalno angažovanje sudaca može ostvariti svrha njihovog utvrđivanja.

Ostalo:

PREDSJEDNICA SUDA:
Fata Nadarević